

# INFORMACIJA

## O STANJU NA PODRUČJU KANTONA 24. MAJA U 9 SATI

Štab je u toku dana u koordinaciji sa općinskim štabovima civilne zaštite nastavio sa aktivnostima na otklanjanju posljedica od poplava i klizišta.

Tako je, Štab civilne zaštite Kantona Sarajevo u koordinaciji sa općinskim štabovima civilne zaštite i ekipama Zavoda za javno zdravstvo Kantona Sarajevo u cilju sprječavanja i suzbijanja zaraznih bolesti i očuvanja i unaprijeđenja zdravlja stanovništva, nastavio sa aktivnostima na preduzimanju neophodnih sanitarno-higijenskih mjera nad područjima koja su bila ugrožena od poplava i klizišta u Kantonu Sarajevo.

Prema podacima dobivenih od JU Zavod za javno zdravstvo Kantona Sarajevo, dvije terenske higijensko-epidemiološke ekipe zavoda su u toku jučerašnjeg dana na području općine Vogošća izvršile higijensko – epidemiološko ispitivanje (u 4 kolektivna smještaja i to: Motel Royal, Motel Bešlić, Hotel Home Story i Crveni Križ u kojima je smješteno 47 porodica sa ukupno 178 članova, od toga 69 djece), dezinfekciju (7 domaćinstava sa pratećim objektima u MZ Vogošća, Semizovac i Svrake) i uzorkovanje vode sa lokalnih i gradskog vodovoda (8).

Također, tri ekipe Zavoda su u toku jučerašnjeg dana, na području općine Ilidža, izvršile HE ispitivanje, deratizaciju i dezinfekciju u saradnji sa ekipama Kristal d.o.o., Sanitacija d.o.o. i Deratizer d.o.o. Ukupno je obuhvaćeno 252 domaćinstva. Od toga, deratizacija je provedena u 229 i dezinfekcija u 23 domaćinstva.

Dana, 23.05.2014. godine od PS Hadžići je primljena informacija o pronalasku 1 NUS-a (tromblon) u Kasetićima općina Hadžići. Informacija o pronalasku NUS-a je prosljeđena Timu za UES Federalne uprave civilne zaštite, čiji će pripadnici u toku 24. maja preuzeti navedeni NUS.

**Profesionalna vatrogasna jedinica Sarajevo** je u toku prethodnog dana imala šest intervencija od toga pet manjih i jednu veću u 16:13 sati u ul. Otona Župančića br. 73. gorila je kuća. Požara je likvidiran u 17:18 sati, a načinjena je veća materijalna šteta, dok žrtava i povrijeđenih nije bilo. U intervenciji su učestvovala dva vatrogasna vozila sa sedam ljudi.

**U toku 23. maja Štab civilne zaštite Kantona Sarajevo je nastavio sa aktivnostima na pružanju pomoći u čišćenju i sanaciji nastale štete najugroženijim općinama u BiH.**

Tako je, u organizaciji i koordinaciji Štaba civilne zaštite Kantona Sarajevo sa sindikalnom organizacijom KJKP „GRAS“ u jutarnjim satima 23. maja upućena grupa od 100 uposlenika navedenog preduzeća na područje općine Zenica-Nemila na pružanju pomoći u otklanjanju posljedica od poplava.

Štab civilne zaštite Kantona Sarajevo je u toku jučerašnjeg na otklanjanju posljedica od poplava u preduzeću „Natron“ u Maglaju angažovao jednu cisternu sa tri čovjeka PVB Sarajevo.

Također, na osnovu aktivnosti koje provode Vlada Kantona Sarajevo i Štab civilne zaštite Kantona Sarajevo na pružanju pomoći u sanaciji poplavljenih područja u BiH, u toku 23. maja na raščišćavanju poplavljenih područja u općini Maglaj bila je angažovana slijedeća mehanizacija od KJKP: 2 cisterne od KJKP „Rad“, 1 specijalno vozilo VOMA od

KJKP „Vodovod i kanalizacija“ i 1 utovarivač od KJKP „Park“, kao i ljudstvo koje opslužuje navedenu mehanizaciju.

Štab civilne zaštite Kantona Sarajevo je u toku jučerašnjeg dana obezbjedio 20 lopata, 20 pari gumenih čizama, 20 pari rukavica i 5 ručnih kolica za uposlenike direkcije JU Dom zdravlja Kantona Sarajevo, koji će se u narednom periodu angažovati na saniranju doma zdravlja u Maglaju, dok je posredstvom udruženja građana uputio pomoć općini Bosanski Šamac i to: 50 lopata, 50 pari gumenih čizama i 36 kg IZOSAN praha.

### **Planirane aktivnosti Štaba civilne zaštite Kantona Sarajevo na pružanju pomoći u čišćenju i sanaciji nastale štete najugroženijim općinama u BiH za 24.05.2014. godine:**

1. Na osnovu aktivnosti koje provode Vlada Kantona Sarajevo i Štab civilne zaštite Kantona Sarajevo na pružanju pomoći u sanaciji poplavljenih područja u BiH, od 24. do 26. maja 2014. godine na raščišćavanju poplavljenih područja u općini Maglaj bit će angažovana slijedeća mehanizacija od KJKP: 2 cisterne i 2 velika kiper kamiona za odvoz kabastog smeća od KJKP „Rad“, 1 specijalno vozilo VOMA i 1 kiper kamion od KJKP „Vodovod i kanalizacija“ i 1 grejfer i 1 kiper kamion od KJKP „Park“, 1 grejfer i 1 kiper kamion od KJKP „Pokop“, 1 mini autobus za prevoz 25 radnika od KJKP „Gras“, kao i ljudstvo koje opslužuje navedenu mehanizaciju.  
Navedena vozila i ljudstvo su u 05:00 sati 24. maja ispred Olimpijskog bazena na Otoci otišli za Maglaj. Koordinator ovih aktivnosti na terenu je predstavnik Štaba civilne zaštite Kantona Sarajevo je Senad Helać.
2. U koordinaciji Štaba civilne zaštite Kantona Sarajevo i JU Dom zdravlja Kantona Sarajevo, 20 uposlenika navedene ustanove će u toku 24. maja biti angažovani na saniranju doma zdravlja u Maglaju. Za njih je Štab civilne zaštite Kantona Sarajevo obezbjedio 20 lopata, 20 pari gumenih čizama, 20 pari rukavica i 5 ručnih kolica.
3. U organizaciji Štaba civilne zaštite Kantona Sarajevo i Općinskog štaba civilne zaštite Ilidža u jutranjim satima 24. maja na otklanjanju posljedica od poplava na području općine Olovo su otišle sljedeće snage: 1 cisterna sa posadom od PVJ Kantona Sarajevo, 1 manja cisterna i 1 kombi od DVD „Kenan Slinić“ Ilidža i oko 81 ljudi sa altom za čišćenje.
4. Kantonalna uprava civilne zaštite, odnosno Štab civilne zaštite je u koordinaciji sa Općonskim štabom civilne zaštite Novo Sarajevo organizovao 1 autobus do 50 sjedišta za prevoz dobrovoljaca:
  - dana, 24.05.2014. godine na relaciji stadion Grbavica-Pridjel Donji, općina Doboj Jug, polazak u 11:00 sati, a povratak u poslijepodnevnim satima;
  - dana, 25.05.2014. godine na relaciji Grbavica, džamija u ul. Kemala Kapetanovića-Maglaj, polazak u 09:00 sati, a povratak u poslijepodnevnim satima.
5. Kantonalna uprava civilne zaštite, odnosno Štab civilne zaštite je organizovao 1 autobus do 50 sjedišta za prevoz aktivista-dobrovoljaca:
  - dana, 24.05.2014. godine na relaciji Zemaljski muzej-Nemila, polazak u 07:00 sati, a povratak u poslijepodnevnim satima;
  - dana, 25.05.2014. godine na relaciji Zemaljski muzej-Maglaj, polazak u 06:00 sati, a povratak u poslijepodnevnim satima.